

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stamp@provincia.tn.it

**COMUNICATO n. 1861 del 19/08/2020**

**Traduzione in ladino**

## **Mèscres de protezion da les sie da sera a les 6 da doman e bal, fajon mingol de luster**

**Ultimes sistemes anti Coronavirus, fajon mingol de luster. L president de la Provinzia l'à sotscrit anché na neva ordenanza, dò da chela manèda fora ai 16 de aost dal Ministèr de la Sanità. L provediment l perveit che vegne lascià sù la ativitèdes olache se bala te dut l Trentin tant defora che daite. Donca bèsta balèr te la discoteches e ti locai someanc resservé a chesta sort de entrategnuda. Avisa l'é descomanà balèr ence ti spazies a la leta de duc delaite de la strutures turistiche, te la spiages publiches o te etres lesc averc a la jent.**

Vegn prezisà aboncont, che no l'é descomanà endrezèr spetacoi dal vif, desche per ejempie, i conzerc o l'atività de disc jockey, ma chisc i cogn vegnir endrezé tel respet de la distanzes anter la jent pervedudes dal protocol de segureza enjignà apostà e bensegur, zenza che la jent che tol pèrt scomenze a balèr. En cont de la doura de la mèscra de protezion, vegn dit chièr, che l'ordenanza stabilesc che la cogn vegnir durèda defora da les sie da sera a les sie da doman, ma demò te lesc, desche per ejempie na picola piazza o na strèda, olache se risia che se fae gropes de jent, ence a na vida spontana e ocasionèla.  
La neva despojizations les restarà en doura enscin ai 7 de setember.

**Traduzion di Servijes Linguistics e Culturèi del Comun general de Fascia**

(Traduzione a cura dei Servizi Linguistici e culturali del Comun general de Fascia)

<https://www.ufficiostampa.provincia.tn.it/Comunicati/Mascherine-dalle-18.00-alle-6.00-e-balloon-chiamiamo-le->

(cdt)